

第二〇〇册

方輿彙編

山川典

(卷)

流水部 巨洋水部 膠水部

三〇九

晉水部 文水部 滹沱河部

三〇

漳水部

三一—三三

洹水部 洞渦水部 澠水部

三三

沁水部

三四

滄水部 凍水部

三五

汾水部

三六

河部

三七—三九

古今圖書集成

中華書局影印

第二回目錄

第一回目錄

第二回目錄

第三回目錄

第四回目錄

第五回目錄

第六回目錄

第七回目錄

第八回目錄

第九回目錄

第十回目錄

第十一回目錄

第十二回目錄

第十三回目錄

古今圖書集成

中華書局影印

沐水部彙考

考

巨洋水部彙考

考

巨洋水部紀事

膠水部彙考

考

膠水部紀事

山川典第二百九卷

沐水部彙考

周禮青州之沐水

沐水源出今山東青州府之沂山東南流逕邳鄉南左合峴山水南至老牛嶺折而東逕嶼山與嶼水合又南至洛山與洛水合又南至莒州境合蒙陰諸水入沂水縣界東北流又折而西南流入兗州府境會諸澗水南逕馬陵山入郯城縣界又東南流七十里入於海

考

按周禮夏官職方氏正東曰青州其浸沂沐訂易氏曰漢志琅邪郡東莞縣沐水南至下邳入泗按唐志

沂州沂水縣本漢東莞縣也沐水所出東南至泗州下邳縣又東北流至泗州漣水縣今爲漣水軍至此與泗合而入淮鄭司農曰沐或爲洙

按漢書地理志瑯邪郡東莞注衛水南至下邳入泗師古曰莞音官衛水即沐水也

按水經沐水出琅邪東莞縣西北山漢地理志衛水出瑯邪郡東莞縣南至下邳入泗過郡三行大弁山與小太山連麓七百一十里青州注大弁山與小太山連麓而異名也引控衆流橫以成川東南流逕邳鄉南南去縣八十許里城有三面而不周於南故俗謂之半城沐水又東南流左右峴水水北出大峴山東南流逕邳鄉東東南流注于沐水也

東南過其縣東注沐水左與箕山之水合水出東諸縣西箕山劉澄之以爲許由之所隱也更爲巨謬矣其水西南流注於沐水也

又東南過莒縣東注地理志曰莒子之國盈姓也少昊後列女傳曰齊人杞梁殖襲莒戰死其妻將赴之道逢齊莊公將弔之杞梁妻曰如殖有罪君何辱命焉如殖無罪有先人之敝廬在下妾不敢與郊弔公旋車弔諸室妻乃哭於城下七日而城崩故琴操云殖死妻援琴作歌曰樂莫樂兮新相知悲莫悲兮生別離哀感皇天城爲之墜卽是城也其城三重並

悉崇峻唯南開一門內城方十二里郭周四十許里尸子曰莒君好鬼巫而國亡無知之難小自奔焉樂毅攻齊守險全國秦始皇縣之漢興以爲城陽國封

朱虛侯章治莒王莽之莒陵也光武合城陽國爲琅邪國以封皇子京雅好宮室窮極伎巧壁帶飾以金銀明帝時京不安莒移治開陽矣後漢書作京帝時又云移治開陽

沐水又南袁公水東出清山尋坤維而注沐沐水又南潯水注之水出於巨公之山西南流舊竭以溉渚田東西二十里南北十五里潯水又西南流入沐水又南與葛陂水會水發三注山西南流逕辟城城南世謂之辟陽城史記建元以來王子侯者年表曰漢武帝元朔二年封城陽共王子劉侯劉壯爲侯國也其水於巨積以爲陂謂之辟陽湖西南流注于沐水也

又南過陽都縣東入于沂注沐水自陽都縣又南會武陽溝水水東出倉山山上有故城世謂之監官城非也卽古有利城矣漢武帝元朔四年封城陽共王子劉釘爲侯國也其城因山爲基水導山下西北流謂之武陽溝又西至卽丘縣注於沐沐水又南逕東海郡卽丘縣故春秋之祝丘也桓公五年經書齊侯鄭伯如紀城祝丘左傳曰齊鄭朝紀欲襲之漢立爲縣王莽更之曰就信也郡國志曰自東海分屬琅邪關駟曰郎祝魯之音蓋字承讀變矣沐水又南逕東海厚丘縣王莽更之祝其亭也分爲二瀆西南出今無水世謂之枯沐一瀆南逕建陵縣故城東漢景帝八年封石綰爲侯國史記年表作王莽更之曰付亭也沐水又南逕陵山西魏正元中齊王之鎮徐州也立大碣遏水西流兩瀆之會置城防之曰曲沐戍自流三十里西注沐水舊讀謂之新渠自厚丘西南出左會新渠南入淮陽宿預縣注泗水地理志所謂至

下邳注泗者也經言於陽都入沂非矣沐水左瀆自大壩水斷故瀆東南出桑堰水注之出水出襄贛縣泉流東注沐瀆又南左合橫溝水水發瀆右東入沐之故瀆又南暨于堰其水西南流逕司吾山東又逕司吾縣故城西春秋左傳楚執鍾吾子以爲司吾縣王莽更之息吾也又西南至宿預注泗水也沐水故瀆自下堰東南逕司吾城東又東南歷粗口城中粗水出於楚之粗地春秋襄公十年經書公與晉及諸侯會吳于粗京相璠曰宋地今彭城偃陽縣西北有粗水溝去偃陽八十里東南流逕偃陽縣故城東北地理志曰故偃陽國也春秋左傳襄公十年夏四月戊午會于粗晉荀偃士句請伐偃陽而封宋向戌焉荀偃曰城小而固勝之不武弗勝爲笑固請丙寅圍之弗克孟氏之臣秦堇父輩重如役偃陽人啓門諸侯之士門焉縣門發鄆左傳作鄆人紇決之以出門者狄虺彌建大車之輪而蒙之以甲以爲櫓左執之右拔戟以成一隊孟獻子曰詩所謂有力如虎者也主人縣布董父登之及堞而絕之墜則又縣之蘇而復上者三主人辭焉乃退帶其斷以徇於軍三日諸侯之師久於偃陽請歸智伯怒曰七日不克爾乎取之以謝罪也荀偃士句攻之親受矢石遂滅之以偃陽子歸獻於武宮謂之夷俘偃陽姁姓也漢以爲縣漢武帝元朔三年封齊孝王子劉就爲侯國王莽更之輔陽也郡國志曰偃陽有粗水粗水而南亂于沂而注于沐謂之粗口城得其名矣東南至胸縣入游注海也按山東通志青州府沐水源出沂山流經沂水縣東北達莒州界入沂州周禮職方氏青州其浸沂沐卽

此按水經出琅邪東莞縣西北山東南過箕縣東又東南過莒州東又南過陽都縣東入於沂鄒道元注謂山爲大弁山與小泰山連麓而異名也引控衆流積以成川經言於陽都入沂非矣
兗州府沐河在沂州東五十里源出沂山自莒州西南流入州境會諸澗水南經馬陵山入郯城縣注於泗周禮職方氏其浸沂沐卽此
按青州府志沂水縣沐水在縣北五十里水經沐水出東莞縣西北山注曰大弁山與小泰山連麓引控衆流積以成川東南流經郯城南沐水又左合峴山水水北出大峴山東南流逕郯鄉東而注於沐齊乘曰沐水漢志謂之術水元和志云俗名漣水出沂山東麓經大峴山峴水入焉又過穆陵關南又南至老牛嶺嶺長二十五里折而東逕嶺山峴水入焉又南過洛山洛水西來入焉又南入莒州境于欽曰沐水過羽山行山峽之間有山口池者俗云禹鑿沂水由三十穴湖穿此峽口與沐相通意沂沐或有合流之時第無陽都入沂之事也
莒州沐河在州治東三里其水發源自沂山經沂水縣界至州南流轉西南入沂州境
呂清水在州治西八里發源于洛山五橫橋過西湖會黃華水回流東南合沐水
袁公水在州治東北五十里發源青山流于西南入沐水
潯水在州治東南六十里發源馬鬣山流于西南入沐水
黃華水在州西五里源出檀特山轉流東南入沐水

左右峴水出大峴山東南流經印鄉東南流注于沐水
潯水在沐水之北舊志云出馬鬣山水經注云出巨公山西南流舊竭以溉渚田東西二十里南北十五里又西南入于沐
葛陵水在沐水之北出三注由西南流經辟陽城南其水于邑積以爲陂謂之辟陽湖西南流注于沐武陽溝水源出倉山西亦注于沐
按沂水縣志沐河自莒州來合蒙陰諸水入縣界東北流又折而南至魚梁入於沂
按兗州府志沂州沐河在州東五十里源出莒州西北馬耳山南流入州境湯河從西北來注之南流會魚梁溝水東流三十里過馬陵山下入郯城境
郯城縣沐水自沂州南流十餘里會魚梁溝水又東過馬陵山下逕郯城之東南流七十里入於海
按江南通志淮安府沐河在沐陽縣東南源自青州西北馬脊嶺諸山澗會流而下東入桑墟湖周禮職方青州其浸沂沐卽此
按淮安府志沐陽縣沐河源自青州琅邪東莞由馬脊嶺諸山合流而下經縣入大湖分派入海職方氏謂其浸沂沐是也蓋浸爲水受歸之處沐故青之浸也縣在沐之北水北曰陽故名沐陽縣
後河
前河以上係沐水正流
新挑河
蔡家莊河以上分沐水之上流
上寺鎮河

十字河

蒲溝河以上分沫水之下流
宿遷縣龍泉溝出峒嵒山下東西二處東入沐河西
入阜河

巨洋水部彙考

青州府之巨洋水

巨洋水一名瀾水一名具水或以爲巨昧或以爲巨
蔑或以爲胸瀾或以爲沫水其實一水也源發於山
東青州府臨朐縣西沂山之西麓卽水經所謂出朱
虛縣泰山北過其縣西者也其流合本縣之石溝水
重冶泉水又合益陽縣之南陽水會於壽光縣之黑
塚泊由泊以達於海

考

按水經巨洋水出朱虛縣泰山北過其縣西注泰山
卽東小泰山也巨洋水卽國語所謂具水矣袁宏謂
之巨昧王韶之以爲巨蔑亦或曰胸瀾皆一水也而
廣其目焉其水北流逕朱虛縣故城西漢惠帝二年
封齊悼惠王子劉章爲侯國地理風俗記曰丹山在
西南丹水所出東入海丹水由朱虛丘阜矣故言朱
虛城西有長坂遠峻名爲破車峴城東北二十里有
丹山世謂之凡山縣在西南非山也丹凡字相類音
從字變也山導丹水有二源各導一山世謂之東丹

西丹水也西丹自穴山北流逕劇縣故城東東丹水
注之出方山山有三水一水卽東丹水也北逕縣合
西丹水而亂流又東北出逕瀟瀟澗北澹水亦出方
山流入平壽縣積而爲渚水盛則北注東南流屈而
東北流逕平壽縣故城西而北入丹水謂之魚合口
丹水又東北逕望臺東北注海蓋亦縣所氏者也
又北過臨朐縣東注巨洋水自朱虛北入臨朐縣燕
冶泉水注之水出西谿飛泉側瀨於窮坎之下泉谿
之上源麓之側有一祀目之爲治泉祀按廣雅金神

謂之清明斯地蓋古治官所在故水取稱焉水色澄
明而清冷特異淵無潛石淺鑊沙文中有古壇參差
相對後人微加功飾以爲嬉遊之處南北遼岸凌空
疎木交合先公以太和中作鎮海俗余總角之年持
節東州至若炎夏火流閑居倦想提琴命友嬉娛求
日桂筍尋注漢書作桂輕林委浪琴歌既洽權情亦暢
是焉棲寄實可憑注小東有一湖佳饒鮮筍匪直芳
齊芍藥實亦潔並飛鱗其水東北流入巨洋謂之熏
冶泉又逕臨朐縣故城東城古伯氏駢邑也漢武帝
元朔二年封菑川懿王子劉奴爲侯國應劭曰臨朐
山名也故縣氏之胸亦水名其城側川臨胸是以王
莽用表厥稱焉其城上下公水悉是劉武皇北伐廣
固營壘所在矣巨洋又東北逕委粟山東孤阜委立
形若委粟又東北洋水注之水西出石膏山西北石
澗口東南逕逢山下祠西洋水又南東歷逢山下卽
石膏山也麓三成壁立直上山上有石鼓鳴則年凶
郭緣生續述征記曰逢山在廣固南三十里有祠并
石鼓齊地將亂石人輒打石鼓聞數十里洋水歷其

陰而東北流世謂之石溝水東北流出於委粟山北
而東注于巨洋謂之石溝口然是水下流亦有時通
塞及其春夏水泛川瀾無輟亦或謂之爲龍泉水地
理志石膏山洋水是出也今於此縣唯是濱當之似
符羣證矣巨洋又東北得祁泉口泉源西出平地東
流注于巨洋巨洋又北會建德水水西發逢山阜而
東流入巨洋水也

又北過劇縣西注巨洋水又東北合康浪水水發縣
西南嶼山無事樹木而員峭孤峙噴分立左恩齊
都賦曰嶼嶺其左是也康浪水北流注于巨洋巨洋
又東北逕劇縣故城西古紀國也春秋莊公四年紀
侯不能下齊以與弟季大去其國違齊難也後改曰
劇故魯連子曰胸劇之人辯者也漢文帝十八年別
爲菑川國後并北海漢武帝元朔二年封菑川懿王
子劉錯爲侯國王莽更之愈縣也城之北側有故臺
臺西有方地晏謨曰西去齊城九十七里耿奔破張
步於臨淄追至巨洋水上注巨昧本作僵尸相屬卽是水
也巨洋又東北逕晉龍驤將軍幽州刺史辟閭渾墓
東而東北流渾側有一墳甚高大時人咸謂之爲焉
陵注一作焉而不知誰之丘壠也巨洋水又東北逕益縣
故城東王莽更之滌蕩也晏謨曰南去齊城五十里
司馬宣王伐公孫淵北徙豐人住於此城遂改名爲
南豐城也又東北積而爲潭枝津出焉謂之百尺溝
西北流逕北益都城也漢武帝元朔三年封菑川懿
王子劉胡爲侯國又西北流而注于巨淀矣注巨洋
又東北過壽光縣西注巨洋水自湖東北流逕縣故
城西王莽之翼平亭也漢光武建武二年封更始子

鯉爲侯國城之西南水東有孔子石室故廟堂也中有孔子像弟子問經既無碑誌未詳所立巨洋又東北流堯水注之水出劇縣南有崩山卽故義山也俗人以其山角因名爲角崩山亦名爲角林山皆世俗音譌也水卽澠水矣地理志曰劇縣有義山澠水所出也北逕嶼山東俗亦名之爲青水矣堯水又東北逕東西壽光二城間應劭曰壽光縣有灌亭杜預曰在縣東南斟灌國也又言斟亭在平壽縣東南平壽故城在白狼水西今北海郡治水上承營陵縣之下流東北逕城東西入別書湖亦曰厭懷湖湖東西二十里南北三十里東北入海斟亭在澠水東水出桑犢亭東覆甌山亭故高密郡治世謂之故郡城山謂之塔山水曰鹿孟水亦曰戾孟水皆非也地理志曰桑犢故亭北海之屬縣矣有覆甌山澠水所出北逕斟亭西北今日狼水按地理志北海有斟縣京相璠曰故斟尋國禹後西北去灌亭九十九十當作九十里宋本作九十里耳澠水又北逕寒亭西郡國志曰平壽在斟灌東薛瓚漢書集注云按汲郡古文相居斟灌東郡灌是也明帝以封周後改曰衛斟尋在河南非平壽也又云太康居斟尋亦居之桀又居之尚書序曰太康失國兄弟五人後于河內此卽太康之居爲近洛也余考瓚所據今河南有尋也衛國有觀土國語曰啓有五觀謂之姦子五觀蓋其名也所處之邑其名曰觀皇甫謐曰衛也又云夏相徙南丘依同姓之諸侯于斟灌斟尋氏卽汲冢書云相居斟灌也既依斟尋明斟尋非一居矣窮后既仗善射篡相韓曄亦因逢蒙弑羿卽其居以生澠因其室而有澠古義韓曄字通用故春

秋襄公四年魏絳曰澠用師滅斟灌及斟尋氏處澠於過處澠于戈是以伍員言於吳子曰過澠殺斟灌以伐斟尋是也有夏之遺臣曰靡事羿羿之死也逃于隔氏今隔縣也收斟灌尋二國之餘燼殺韓曄而立少康滅之有窮遂亡也是蓋寓其居而生其稱宅其業而表其邑縱遺文公權亭郭有傳未可以彼有灌目謂專此爲非捨此尋名而專彼爲是以上推傳應氏之據亦可按矣堯水又東北注巨洋伏琛晏謨並言堯嘗頓駕於此故受名焉非也地理志曰澠水自劇東北至壽光入海沿其逕疑作逕趣卽是水也又東北入于海注巨洋水東北逕望海臺西東北流伏琛晏謨並以爲平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑川懿王子劉賞爲侯國又東北注于海也按山東通志巨洋水源出沂山西麓卽瀾水也國語以爲具水袁宏以爲巨昧王韶之以爲巨蔑或曰胸瀾或曰沫實一水也其流合石溝水東北流至益都入南陽水又東北抵壽光又東北會萊州掖河北入于海按青州府志臨朐縣巨洋水出沂山西麓九山社經界首治源諸社入益都界是沂山所出之北派也乃若沂山南麓水母廟所出水是名沫水西南麓松仙嶺所出水是名沂水是沂山所出之南派也二水非臨朐境內而皆出沂山故附載焉石溝水出逢山東北石澗中水經名北洋蓋因巨洋在南也

熏冶泉在臨朐縣西南孝慈鄉卽古歐冶子鑄劍之所少東有一湖東北流入巨洋卽今之瀾水也益都縣南陽水逕表海亭南東注濁水東流合建德水入巨洋黑塚泊在壽光縣東十里巨洋水自泊入海

巨洋水部紀事

宋書高祖本紀慕容超屢爲邊患公抗表北討旣入峴慕容超遣公孫五樓及廣寧王賀賴盧先據臨朐城旣聞大軍至雷羸老守廣固乃悉出臨朐有巨蔑水去城四十里超告五樓曰急往據之晉軍得水則難擊也五樓馳進龍驤將軍孟龍符領騎居前奔往爭之五樓乃退

膠水部彙考

萊州府之膠水

膠水發源山東萊州府膠州城西南之鐵嶺山北經高密縣界注瀦澤合張魯河北入新河又北合平度州之現河過昌邑縣界入于海考按漢書地理志琅邪郡都註膠水東至平度入海按水經膠水出黔陬縣膠山北過其縣西註齊記曰膠水出五弩山蓋膠山之殊名也北逕祝茲縣故城

東漢武帝元鼎中封膠東康王子延爲侯國又逕扶縣故城西地理志琅邪之屬縣也漢文帝元年封呂平爲侯國膠水又北逕黔陬故城西袁崧郡國志曰縣有介亭地理志曰故介國也春秋僖公九年介葛盧來朝聞牛鳴曰是生三犧皆用之問之果然晏謨伏琛並云縣有東西二城相去四十里有膠水非也斯乃拒艾水也水出縣西南拒艾山即齊記所謂黔艾山也東北流逕拒縣故城西王莽之秩國也世謂之王城又謂是水爲洋洋水矣又東北逕晏伏所謂黔陬城西北四十里有膠水者也又東入海地理志曰琅邪有推縣拒艾水出焉宋本作惟縣按前漢書地理志云琅邪有拒縣注云如海云拒音巨東入海即斯水也今膠水北逕晏伏所謂西黔陬城東高密郡側有黔陬縣地理志曰膠水出今地志作却王莽更之純德矣疑即是縣所未詳也

又北過夷安縣東注縣王莽更名之曰原亭也應劭曰故萊夷邑也太史公曰晏平仲萊之夷維之人也漢明帝永平中封鄧珍爲侯國西去濰水四十里膠水又北逕膠陽東晏伏並謂之東亭自亭結路南通夷安地理風俗記曰淳于縣東南五十里有膠陽亭故縣也又東北逕左會一水世謂之張奴水水發夷安縣東南卑下西北流歷膠陽縣注于膠水之左東北爲澤水渚百許里謂之夷安潭潭之澤周四十里亦濰水枝津之所注也膠水又東北逕下密縣故城東又東北逕膠東縣故城西漢高帝元年別爲國景帝封子寄爲王國王莽更之郁秩也今長廣郡治伏琛晏謨言膠水東北迴達于膠東城北百里流

注于海

又北過當利縣西北入于海注縣故王莽更之東萊亭也又北逕平度縣漢武帝元朔二年封菑川懿王子劉衍爲侯國王莽更名之曰利盧也縣有土山膠水北歷土山注于海海南土山以北悉鹽坑王莽作澤也相承修煮不輟北眺巨海杳冥無極天際兩分白黑方別所謂之溟海者也故地理志曰膠水北至平度入海者也

按魏書地形志東武郡梁鄉注末安中置有梁鄉城

五弩山膠水出焉

按隋書地理志高密郡瑯琊注開皇十六年置曰豐泉大業初改焉有徐山盧山郭日山膠水

按金史地理志密州高密注有礪阜山密水膠水

按圖書編膠河考水經云出黔陬膠山今膠州膠西縣西南鐵嶺山也北經密州東北齒山古名五弩山

鹵水入焉注寰宇記膠水出密諸城縣東崧山或亦曰膠水出齒山皆非是

又北經高密縣東北入都濰都濰者水經謂之夷安潭秦地圖謂之劇清池即古獬養澤也張奴水出高密東卑下亦注此澤自澤北出注新河注張奴水一名墨水水側有張奴店

由河北入于海其東北入海者膠水之故道差淺而新河爲經流新河者至元初萊人姚演建言首起膠西縣東陳村海口自東南趨西北鑿陸地數百里欲逼漕直估海口數年而罷子嘗乘傳過之詢土人云

此河爲海沙所壅又水潦積淤終不能通徒殘人耳演眞國之罪人也

山東平度州東南境有南北新河元時所開以避海運放洋之險其水源發高密至膠州分流爲南北新河自膠州入新河二百四十里至萊州之海倉口入海自是迤北新河店置閘以達安東止八十里可通海歲久盡塞近王副使獻方御史遠宜力主開復并於馬家濠鑿山麓通海近該巡按山東御史商惟正題會同都御史李時達勘議欲從元人故河引泉瀦水通漕間道但南由海口至店口三十餘里多沙自麻灣以上係估流沙與沙互壅麻灣以下則金海中隨潮湧進渾沙勢俱難取欲由把郎廟地名路溝另開二渠至鴨綠港纔避麻灣十三里之沙由鴨綠港迤南尚有沙洲見露水中即空舟尚不能行况古路溝未挑通地脈相似安知下無沙安保他日海沙之不湧入北海海倉口龍王廟前沙數十里許用徒夫及昌邑夫三千餘人撈二十餘日給過工食二千三百兩去沙僅二尺路只二里沙堆積岸上大潮一至沙壅如故且議築堤約水障沙不知海口之堤用土則勢不能固用石則費不可計分水嶺自嘉靖十七年十八年二十二年三十二年隆慶五年節次勘測皆高海面五丈以上接白河流沙先年胡給事中謂流來之沙旋挑旋壅凡沙中又有石沙見水則可搏濕泥帶水即成稀泥軟土故役人言地底有泉泉內有沙工力難施夫海口之沙既欲避而不可得兩海之潮又勢遠而不可通縱欲引附近張魯河白河膠河都泊諸水以益之而春夏旱乾俱各微細既不足恃秋漲沙壅輒復爲患徒費挑濬奏聞報罷

按山東通志鐵嶺山在膠州城西南一百二十里膠

水發源於此

按萊州府志新河由膠州東北三十里高密縣東北四十里與膠水下流合經平度州西北八十里由海倉入海

現河在平度州東三里源出兩髻山西南入膠水

定都渠在平度州南七十里流入膠水

吳兒溝在昌邑縣東二十里夏秋雨水大漲浸沒田

禾永樂五年開渠二十餘里入膠水

媒河在昌邑縣東四十里東通膠水西通濰水俗傳

膠翁濰母此河交連二水故名

膠水部紀事

萊州府志元世祖至元十七年從萊人姚演言命演自膠西陳村等處開膠河海運

欽定古今圖書集成方輿彙編山川典

第二百十卷目錄

晉水部彙考

考

晉水部藝文詩

晉水

晉水部紀事

晉水部外編

文水部彙考

考

文水部紀事

漳沱河部彙考

考

漳沱河部藝文一

漢光武渡漳沱冰合賦

創開漳水渠堰記

眞定府修河記

泛漳沱河賦

漳沱河部藝文二詩

臨漳沱

渡漳沱河

過漳沱河

渡漳沱河

過漳沱

漳沱流漸行

渡漳沱河

其二

早發漳沱感冰合

陳孚

過漳沱河

明金幼孜

過漳沱河

程敏政

漳沱晚渡二首

章懋

渡漳沱河

石玠

早發漳沱

王英

漳沱河部紀事

漳沱河部雜錄

山川典第二百十卷

晉水部彙考

山海經之晉水

晉水發源山西太原府太原縣西之懸壺山始出分爲南北二池其南流者曰大池又名流杯池其北流者曰八角池下分爲三河一爲北河又名智伯渠又名晉渠一爲中河流入大池一爲南河又名陸堡河而總會于清水河入汾水

考

按山海經北山經縣雍之山晉水出焉而東南流注于汾水其中多魴魚其狀如鱸而赤鱗其音如吐食之不驕按縣雍二字漢書注水經注魏書注俱作懸壺按漢書地理志左馮翊臨晉故大荔秦復之更名有河水祠芮鄉故芮國莽曰監晉應劭曰臨晉水故曰臨晉臣瓚曰晉水在河之間此縣在河之西不得云臨晉水也太原郡晉陽註龍山在西北有鹽官晉水所出東入汾

按淮南子地形訓晉出龍山

按後漢書郡國志太原郡晉陽本唐國有龍山晉水所出註山海經曰有懸壺之山其上多玉其下多銅其獸多閭麋晉水出焉東南注于汾

按水經晉水出晉陽縣西懸壺山山海經作懸壺山唐國也春秋左傳稱唐叔未生其母邑姜夢帝謂己曰余名而子曰虞將與之唐屬之參及生名之曰虞呂氏春秋曰叔虞與成王居王援桐葉爲珪以授之曰吾以此封汝虞以告周公周公請曰天子封虞乎王曰余戲耳公曰天子無戲言時唐滅乃封之於唐縣有晉水後改名爲晉故子夏敘詩稱此晉也而謂之唐儉而用禮有堯之遺風也晉書地理志及十三州志並言晉水出龍山一有云字水結細山在縣西北非也山海經曰縣雍之山晉水出焉今在縣之西南昔智伯之邊晉以水灌晉陽其川上瀉後人踵其遺蹟蓄以爲沼沼西際山枕水有唐叔虞祠水側有涼堂作臺結飛梁於水上左右雜樹交蔭希見曦景至有淫朋密友羈遊宦子莫不尋梁契集用相娛慰於晉川之中最爲勝處又東過其縣南又東入于汾水汾水本分爲二流北流即智氏故渠也昔在戰國襄子保晉陽智氏防山以水之城不沒者三版與韓魏望歎於此故智氏用亡其潰乘高東北注入晉陽城以周園溉漢末赤眉之難都掾劉茂負太守孫福匿于城門西下空穴中其夜奔孟即是處也東南出城流注于汾水也其南瀆于石塘之下伏流逕舊谿東南出逕晉陽城南城在晉水之陽曰晉陽矣經書晉荀吳帥師敗狄

於大鹵杜預曰大鹵晉陽縣也爲晉之舊都春秋定公十三年趙鞅以晉陽叛後乃爲趙矣其水又東南流入于汾

按魏書地形志太原郡晉陽註二漢晉屬西南有懸甍山一名龍山晉水所出東入于汾

按唐書地理志晉州平陽郡臨汾註東北十里有高梁堰乾封二年堰壞乃西引晉水

太原府太原郡太原註赤井苦不可飲貞觀中長史李勣架汾引晉水入東城以甘民食謂之晉渠

按地理通釋十道山川攷晉水在太原府陽曲縣晉陽曲出焉東南流注于汾水註詩諸晉陽南有晉水唐

叔子變改爲晉侯唐北都城左汾右晉

按金史地理志太原府平晉註貞祐四年七月廢興定元年復置有龍山晉水

按續文獻通考山西太原府晉水在太原縣西南十里出懸甍山分三派

平陽府晉水源出府城西南平山流至襄陵縣北門外東入汾

按山西通志太原府太原縣城西一十里有懸甍山一名結紉山晉水所出又有龍山亦晉水所出

晉水在縣西南一十里懸甍山下二泉北曰善利南曰難老疏爲二池南曰大池流經奉聖寺前名流杯

池北曰八角池分爲三河其北派流經北神橋入安仁賢輔古城金勝等村爲北河即智伯退水以灌城

者名智伯渠至唐貞觀中長史李勣架汾水東引令民汲飲後名晉渠今廢其中派入大池流經南神橋

晉原都東莊爲中河又一支派名陸堡河流入大寺等村其南派流入索村等處爲南河俱總會於清水河入汾其北渠舊引入縣城通流街衙公館今渠道俱存而水不行

臺駘澤在縣南一十里一名晉澤晉水下流匯而爲澤

蓮池在縣南五里晉水聚處

南神橋在縣西南十里晉祠鎮南街晉水南渠上北神橋在縣西南十里晉祠鎮北街晉水北渠上平陽府襄陵縣晉橋在縣北門外晉水上

晉水部藝文

詩

明李維楨

晉水可亡人國那知國自傾片言能樹敵三板得完城陳迹流波迅高原戰壘平田家春暮罷萬畝樂香杭

晉水部紀事

竹書紀年周元王六年晉涇絕于梁

戰國策昔者六晉之時智氏最強滅破范中行又帥韓魏以圍趙襄子於晉陽決晉水以灌晉陽城不沉者三板耳

唐書馬燧傳燧字洵美系出右扶風徙爲汝州郟城人以功遷尚書右僕射時天下方騷北邊數有警燧

念晉陽王業所基宜固險以示敵乃引晉水架汾而屬之城潛爲東陞省守陴萬人又隴汾環城樹以固

隄詔兼保寧軍節度使

山西通志唐武后久視元年并州晉水如血李勣曹州人太宗時爲并州都督嘗築東城引晉水鵲汾水入城以資民用人咸便之

晉水部外編

搜神記晉永嘉之亂劉元海僭稱漢于此置都築平陽城晝夜興作不久旋崩募能成者賞之先有韓嫗者於野田見巨卵傍有嬰兒收養之字曰概兒時已四歲乃白嫗曰我能成母其應募嫗從之概兒乃變爲蛇令嫗持灰隨後遺誌謂嫗曰憑灰築城可立矣竟如所言元海問其故概兒遽化爲蛇投入山穴露尾數尺使者斬之乃掘其穴忽有泉湧出激流奔注與晉水合流東入于汾至今近泉出蛇悉皆無尾以

爲靈異

文水部彙考

水經之文水

文水發源永寧州方山界下流入交城縣界歷榆城至文水縣南入於汾水

考

按水經文水出大陵縣西山文谷東到其縣屈南到平陶縣東北東入于汾注文水逕大陵縣故城西而南流有沁水注之縣西南山下武氏穿井給養井至幽深後一朝水溢平流東南注文水又南逕平陶縣之故城東西逕其城內南流出郭王莽更曰多穰也文水又南逕縣右會隱泉口水謁泉山之上頂俗云賜雨愆時是謁是禱故山得其名非所詳也其山石岸地險御覽引此作壁立天固崖平當作有一石室去地可五十餘丈爰有層松飾巖列柏綺望唯西側一處得歷級升陟頂上平地一十許頃沙門釋僧光表建二利泉發於兩寺之間東流瀝石公注山下又一作東東津渠隱沒而不恆流故有隱泉之名矣雨澤豐澍則通入文水又南逕茲氏縣故城東爲文湖東

西一十五里南北三十里世謂之西河在縣直東一十里湖之西側臨湖又有一城謂之潞城水澤所聚謂之都亦曰潞蓋卽水以名城也文湖又東逕中陽縣故城東按晉書地道記太康地記西河有中陽縣舊縣也文水又東南流與勝水合水出西孤岐之山東逕六壁城南魏朝舊置六壁於其下防離石諸胡因爲大鎮太和中罷鎮仍置西河郡焉勝水又東合陽泉水出西山陽谿東逕六壁城北又東南流注於勝水勝水又東逕中陽故城南又東合文水又東南入於汾水也

按隋書地理志太原郡文水注舊曰受陽開皇十年改焉有文水

按唐書地理志太原府太原郡文水注武德二年汾州刺史蕭顗引文水南流入汾州

按金史地理志邵州下邳注有文水

太原府文水注有隱泉山文水

汾州西河注有謁泉山比二山文水

按續文獻通考山西太原府文水發源石州方山界歷榆城至文水縣入于汾

按山西通志太原府交城縣文水在西北九十里文山之旁

文水縣文水源出永寧州方山界流入交城縣界歷榆城縣南入於汾

按太原府志交城縣西谷水在縣西北至榆城合文水

文水縣沁水在縣北八里山下東南至文水

文水部紀事

山西通志唐蕭顗武德間爲汾州刺史引常渠水過文水南入汾溉田數百頃
宋史欽宗本紀靖康元年八月河東察訪使張灝與金人戰於文水敗績
金史太宗本紀天會四年八月辛亥婁室等破宋張灝軍於文水

渾沱河部彙考

周禮并州之庠池

渾沱河發源於山西太原府代州繁峙縣之泰戲山東流經鴈門入直隸遼寧壽平山二縣抵真定府城南順流而東歷薶城晉州衡水深州武強武邑入直沽而達于海

考

按周禮夏官職方氏正北曰并州其川庠池義訂易氏曰漢志代郡齒城縣庠池河東至參合又東至文安入海此言參合則屬高柳縣漢高柳縣隸代郡唐貞觀以後爲默啜所破州縣俱廢開元十年改定襄爲雲中有高柳故城則齒城又當在高柳之北庠池河源未之詳其河自鴈門縣西南流入崞與唐林二縣又西南流至圻州秀容縣又西南流入定襄縣又南流至太原府孟縣又東流至恒州之靈壽真定九門薶城穀城五縣又東流至定州無極縣又東流入深州之饒陽鹿城安平三縣又東南流入瀛州之高陽河間二縣又東流入莫州之唐興及莫縣以至

任丘文安縣即漢志所謂至文安入海者也

按山海經北山經泰頭之山其水出焉南流注于虜沱

白馬之山木馬之水出焉而東北流注于虜沱

空桑之山空桑之水出焉東流注于虜沱

泰戲之山虜沱之水出焉而東流注于濮水

石山瀼瀼之水出焉而東流注于虜沱鮮于之水出焉而南流注于虜沱

高是之山滋水出焉而南流注于虜沱

海內東經虜沱水出晉陽城南而西至陽曲北而東

注渤海入越章武北經河間樂城東北注渤海也

章武郡名

按戰國策燕南有虜沱易水虜沱出涿郡故安易

水源出易縣西谷中之東東南流與虜沱河合

按漢書地理志太原郡上艾綿曼水東至蒲吾入

虜沱水

魏郡武安有瀋水東北至東昌入虜沱河

常山郡靈壽中山桓公居此禹貢衡水出東北東

入虜沱

南行唐牛飲山白陸谷滋水所出東至新市入虜

沱水

代郡鹵城虜沱河東至參合入虜沱別過郡九行

千三百四十里并州川從河東至文安入海過郡六

行千三百七十里

信都國信都王都故章河故虜沱皆在北東入海

河間國樂成虜沱別水首受虜沱河東至東光入

虜沱河

弓高虜沱別河首受虜沱河東至平舒入海

按後漢書郡國志安平國信都有虜沱河

鴈門郡鹵城故屬代郡山海經曰泰戲之山無草

木多金玉虜沱之水出焉郭璞曰今虜沱河縣武夫

山周禮并州其川虜池魏志曰建安十年鑿渠自虜

沱入汾名平虜渠

按隋書地理志鴈門郡繁峙有虜沱水

按唐書地理志瀛州河間郡河間開元二十五年

刺史盧暉自東城平舒引虜沱東入洪通漕溉田五

百餘頃

按地理通釋十道山川攷虜沱出泰戲之山在代州

繁峙縣東南流經五臺山東流至文安縣入海何

承矩築隄儲水爲阻固并邊諸河若虜沱葫蘆永濟

等河皆匯於滹

按金史地理志深州東鹿有虜沱河

饒陽有虜沱河

安平有虜沱河

真定府真定有虜沱河

藁城有虜沱河

獲鹿有虜沱河

太原府盂有虜沱河

忻州秀容有虜沱河

代州鴈門有虜沱河

崞有虜沱河

按道旃璵言虜沱發源繁峙由代州崞縣忻口折而

東歷定襄五臺東下在大行之西引以灌田爲山西

之利過太行至真定河間則爲害矣不惟不可灌亦

浮沙難以舟楫地勢高下土脈疎密使然非水之性也

按山西通志太原府忻州虜沱河源出繁峙縣東泰

戲山即孤山列如品字名三泉西南流三里至故福

都合玉斗泉亦名青龍泉西流數里合三都之三泉

其泉亦列如品字又西流至沙磧東合北樓口水又

西流至新興村合華嚴嶺水至縣城北經代州崞縣

五臺忻州定襄孟縣入真定府平山縣界所經州縣

居人多引渠溉田

按繁峙縣志縣城東北一百三十里有泰戲之山俗

名小孤山虜沱河發源於此

華嚴嶺水在縣東南一百里西北入虜沱河

黑龍池在縣東南九十里半山中暗然若黑西流三

十里入巖頭河經海子村等處流與虜沱河合

按代州志州城北三十五里有鴈門山一名鴈塞雙

關陡絕鴈度其間山下有水東南流經城外東關廂

名東關水合入虜沱

東關河在州東半里許源出鴈門山沿城南入於虜

沱水

三里河在州西南三里村經西關南入於虜沱水

七里河在州西七里源出上田都經七里堡入於虜

沱水

羊頭神河在州西十里一自茹解都黑龍池發源名

東河一自茹解都黃龍池發源名西河俱南流入虜

沱水

西義河在州西南十里許源出荆山茹僕射教民溉

田者北流入於虜沱水

九龍河在州西北三十五里南流入於漳沱水

西泉在圭峯山西澗中有石正方而崇如翠屏高百尺許水初自上瀉下霏如垂珠石根不見也行數步從石竇中湧出灌漑汲飲四時不竭出澗口又不見潛行石雷間又百步所出趾下響若撫琴合我河入於漳沱水

柏谷泉在州東門外南流入於漳沱水

按嶧縣志漳沱河在縣東百里許

陽武河在縣南二十里源出自太子崖東流至雙陵村入漳沱河

沙河在縣南六十里東流入漳沱河

南橋河在縣南門外東流入漳沱河

北橋河在縣北門外東流入漳沱河

板橋河在縣北二十五里東流入漳沱河

銅河在縣南七十里源出福壽山東流入漳沱河

按五臺縣志清水河源出縣東北一百六十里華巖嶺西南流經飯仙山下過石角合虎陽河盧虎水入於漳沱

東峪河發源移城村東南山下經孫家莊百蘭等村入漳沱河

盧虎水一名慮虎水源出縣西北一十五里王村流環縣東南又名縣河與縣東北虎陽河及清水河合流入漳沱河

白梁橋在漳沱河上

按忻州志漳沱水在忻州北五十里自嶧縣界來注忻口東入州境白村都過定襄界出河門入平山襄縣界

忻水在忻口北因經忻山故名亦名沙河東入漳沱水

雲中河在州城北七十里雙尖山巖巒尖合流經橫河雲內口亦名忻水與州城南牧馬水合流入漳沱河

按定襄縣志牧馬水發源忻州西南白馬山至牛尾莊合諸水出州南東流南環本縣如帶東北入漳沱河

按孟縣志細水河在縣西南細泉微而濺洄不絕流至通渠遂莊渠北趙渠檀村渠俱在州西北引雲中漳沱河水

按畿輔通志漳沱河班固敘禹貢所謂徒駭者是也發源於山西太原府代州繁峙縣經鴈門由靈壽平山抵真定府城南順流而東歷藁城晉州衡水深州武強武邑入直沽而達於海每夏暴雨壞決隄防甚為民害

按靈壽縣志漳沱河在縣西十五里牛城渡口有漢光武冰堅可渡碑

衛河在縣東十里由縣南入漳沱河

嵩陽河發源嶺山歷縣治西南兩關外東南入漳沱河

按平山縣志漳沱河在縣城北八里發源於山西繁峙縣經鴈門南流經本縣抵真定由直沽天津入于海

冶河一名甘陶河在縣城西一里由井陘縣來又至縣城西北流入漳沱河為南河口一清一濁如涇渭然

漳河在縣西北六十里流經縣北入漳沱河

按真定府志漳沱河源出於山西在真定縣南一里又經藁城縣北一里又經平山縣北十里寰宇記載經靈壽縣西南二十里此河連貫真定諸郡經流去處皆曰漳沱水也

廣濟橋在府城南門外一里漳沱河上每歲夏五月水泛折之渡以舟楫至冬則復構架

西韓河在府城西二十里發源大鳴泉流經縣界入漳沱河

按行唐縣志白陸峪滋水所出東至新市入漳沱

按藁城縣志漳沱河在縣城北自鴈門繁峙經靈壽平山過真定至藁城四公鋪而南逼近巨城之乾隔順流東注至城良隅一里許復曲折東南而下成化間縣令黃瓊嘗汲于城濠中以植蓮周繞城郭宛然如游龍之紆徐其靈秀足以振甲科其潤澤足以肥民田邑人至今賴之弘治十四年因水泛漲北徙去邑城八里但泛漲之勢洶湧蕩民居沒民田其害可畏且河之上流有小豐屯去邑城二十里小豐之河口不塞則藁邑衝嚙漂沒之患未已此則憂時預防者所當知也

按無極縣志漳沱河由靈壽平山真定府南經本縣郝莊陳村之境達晉州等處入直沽而達于海

按晉州志漳沱河在州南關外發源于山西太原府繁峙縣泰戲山西南七十五里至代州又南六十里至崞縣又東北六十里至忻州又東五十里至定襄縣又東南七十里至五臺縣又東南八十里至孟縣自孟縣入真定府靈壽縣又東南六十里至真定府

第二〇〇冊 之〇六葉

又東九十里至本州去城數武繁紆如帶漫入東鹿安平饒陽武強至直沽達於海今南徒由藁城南彭村經本州周頭村北釣魚臺龐家莊胡士莊入東鹿縣百口橋歸清水河並行

按東鹿縣志漳沱河在縣城南四十里漢光武渡處名危渡口來自晉州

按深州志漳沱河舊行北堤下今由藁城入清河乾河在縣城南四十里即漳沱河故道

按饒陽縣志漳沱河由鴈門經靈壽平山遶真定府城南歷藁城晉州而東地勢平衍徙流靡常嘉靖以前或由寧晉東鹿深州泛溢則及於饒陽初未為大害也隆慶三年大勢盡徙饒陽北境平地水深丈餘一望無際沒禾稼漂蘆舍鄉村騎屋攀樹民幾為魚累年渰占地生斥隸兼長蒲蘆萬曆十三年徙城南後十餘年復徙城北至今兩在無常不時泛漲為害未有底止

按武強縣志漳沱河自靈壽平山過真定歷藁城晉州東鹿深州境經縣治南門外東北流至小范店與清漳合至青縣與漕河合至直沽入海按自漢迄元旋塞旋決每為民患明成化壬寅秋壞城西北隅縣治內行舟嘉靖庚寅壞東門及東西北三關隆慶己巳復泛漲為害尤甚至萬曆乙未河南徙與漳通戊戌又北徙饒陽本縣新舊河道俱涸

按武邑縣志漳沱河由真定藁城無極晉州深州饒陽武強而來過縣境而東

按任丘縣志漳沱河舊稱漳水任源郡者以縣西沙唐滋河俱通漳沱支派環流縣境者也正流則自真

定深州入清河鹽河運河以入海

長豐渠在縣西北自河間舊東城引漳沱水東流通漕漑田唐開元間刺史盧暉開

按獻縣志漳沱河在縣南十里自繁時經真定入縣南境東至青縣合衛河達于海魏刺史王質以其屈曲疏而直之復刺史楊真改為清寧河

完固口乃漳沱河北岸在縣治西南十八里襄因山水泛漲河流失常嘉靖十三年知縣汪鑾順水修築復其故道焉

按河間縣志鐵燈竿口源出漳水逾漳沱過洪沙港南入縣境北流通靜海直沽達于海

按大城縣志沿河係漳沱河支流自獻縣河間縣之龍華橋轉入縣南境馬村閘村東北經十里灣自南而東經白洋渡四呈口匯黑龍港河從而北折繞縣東十二里趙扶村北至子牙村分派一流三岔口一流王家口達靜海縣三家淀入海

黑龍港係漳沱河支流一自縣西南遠南頭村入境迤邐至四呈口與沿河會一自縣南曹家寺北流至四呈口會流一自青縣尾家店流至王鎮達村至四呈口會流

交河在縣東二十五里因沿河黑龍港交流故名

漳沱河部藝文一

漢光武渡漳沱冰合賦以上天無親惟德是輔為韻

唐獨孤及

昔漢光武收河北之年馳馬將進漳沱在前為敵所迫當冰不堅及軍裝隱轡以登岸殺氣崢嶸而塞川意者欲定神器於茲日彰聖人之動天若非使不道者喪有德者王則水不能以造次而結冰不能以斯須而壯變浩浩之流為戕戕之狀擁高旌以進雷長轂以上及企路以全軍又迎風而破浪於時進隔關於長津顧邀遮其後塵患勢莫之敵沒不可振求一徑而莫遂惟羣臣之不親賴王霸至誠之力協光武至聖之德人從悅己之詐天贊勤王之直故得舟楫不設衣裳不濡避地以往乘冰以趨一水之上兩軍相殊使後人視水則有求冰則無望飛塵而惆悵對寒流而踟躕由是知天人之合發與神祇而相符不然何以延十二之祚總四七之輔滅新室毒流之日作漢氏中興之主受命之瑞也亦何異元女降於軒轅白魚躍於周武燕趙之間清流瀾瀾高風以遠遺屬於是

創開漳水渠堰記

金元好問

州倅定襄李侯介於教館劉浚明之深交以漳水新渠記為請曰漳水之源出於鴈門東山之三泉過繁時遂為大川放而出忻口並北山而東去僕所居橫山為不遠上世以來知水利為可與故常與之由宋爾朱氏而下凡三人焉爾朱立材人有賜田百頃因以雄其鄉後家之僮雙欲從忻口分支流為渠鄉之人以是疾公為較悉之計莫有助之者且姍笑之因

自沮而罷大定戊子無畏莊信武喬公號稱十萬裔氏者度其財力易於興造復以渠爲事開及向陽里農民以盜水致訟有避罪而就死者事出于賧昧甲乙勾連無從開釋役夫散歸至以水田爲諱承安中吾里齊全美率鄉曲大家按喬公故迹欲終成之而竟亦不成僕不自揆度以先廣威常與齊共事思卒前業賴縣豪傑鄉父兄子弟協助之歷二年之久僅有所立蓋經始於壬寅之八月起湯頭嶺至白村上逾六十里經建安口乃合流又明年之三月既望合鄉人預議及執役者置酒張樂以樂之老幼欣快歡呼動地出平昔所望之外宜有文辭以垂示永久幸吾子之留意焉余以爲立功立事必天時人事合而後可然繫于人事者爲尤多曩余官西南鄧之屬邑多水田業戶餘三萬家長渠大堰率因故迹而增築之而其用力有不可勝言者試一二言之夫水在天地間爲至平且善利萬物而不爭有餘者損之不足者補之乃天地之道兼併之家力足以制單貧而賄足以侮文法身思九里之潤人無一溉之益者多矣以至平爲不平以不爭爲必爭補有餘損不足傷水之性逆天之道覆車之轍前後相按田野細民有敢復與大勢豪共事者乎矧夫非大變之後無不爭之田非屢豐之年無供役之食事難於慮始人習於惡勞賢否異情理難脂合彼此分利孰爲綱維故雖有萬折必東之心而終屈於七遇皆北之勢使臨之以公上之命且無望於必成况創始於鄉社二三之議乎有其時而無其人有其人而無其志力不前勝事必後艱大哉志乎惟強也故能立天下之便惟堅

也故能易天下之難由是而充之關輔之三日襄樊之黔驢皆此物也故嘗謂江鄉澤國巧於用水凡可以取利者無不盡舉鋪投快隨爲豐年今河朔州郡非無川澤而人不知有川澤捐可居之貨失當乘之機如愚賈操金昧於貿遷之術旱暵爲虐乃無以療之求相龍侯商羊坐爲焚厄暴巫禳祠家所誤縛手困窮谷將誰執侯之落成也余往觀焉流波云云淨絲盈溝若大有力者擁之而前農事奮興坐享豐潤禾稼麥穡穡穰穰計所收入如有以相之夫孤倡而合衆力一善而霑一鄉暫勞而爲無窮之利若李侯者其可謂有志之士矣雖然水利之在吾州非特漳范而已也出東門一舍少折而南由三霍而東盡南邢之西其間無井邑無聚落無丘隴特沮洳之澤而已若能引牧馬之水以合三會於蒙山之麓隄障有所出內有限外費數千人之功平湖渺然多倍晉溪之十倍無大農尺一之版使扁舟落手中耳因記侯興建始末慨然有感於中故兼及之侯名於成先廣威用承直郎蔭當補官州牒已上吏曹矣新令限至朝請大夫乃係班廣威詣登聞鼓院自陳道陵從之預供奉者四百二十人仕至蠡州酒務使侯所謂是以似之者歟

眞定府修河記

明胡倫

眞定爲郡距京師六百里餘蔚然西南一巨鎮郡城之南有河曰漳沱考之地志其源發於廩門繫時東南過於靈壽而眞定城適當河之衝河之去西北不半舍遠曰曹馬口舊有堤三十餘里以護城垣宋天聖間堤潰已而天章閣待制劉瑾率工修築城賴以

安迄今數百年矣成化間比歲大水堤復潰水勢逼城西南隅壞民廬舍而關城之中幾爲巨浸郡守田公慨然嘆曰茲少緩弗治吾寧忍坐視斯民魚鼈乎乃具疏上聞制可之於是借神武眞定二衛指揮各率其屬大發兵夫距舊河數里外鑿新河一延袤十餘里深踰丈廣三百餘尺築堤二千餘丈以禦舊河之水分其流入于新河自是水勢有所歸而不溢新河之北又築一堤長亙四千餘丈環拱於關南隱然爲一城之屏障自是居民有所恃而不恐堤之內有地三千餘頃叢植蒿木俾杠橋之需有所給立廟於堤北俾河神之祀有所依凡工之用一萬有奇木之用倍之荆之用又倍之石土之用又十倍之支費雖廣而弗病于民力役雖勞而弗憊于衆閱五月而厥功告成君子曰此仁政之舉可不書乎公使徵予記嗟夫水之爲民患自古有之歷觀唐宋以來賢智之士以一方之寄爲己任者往往爲民捍患與利如白居易馬亮之守杭蘇軾守徐惠利所及民到於今誦之而世以絀默爲賢承順爲能者反視此爲末務間有知務乎此者則又謀之不審爲之不固利者未幾而病者至矣此予所以嘆公善政之難也公名濟字汝霖鳳翔麟遊人由景泰甲戌進士拜監察御史擊奸祛蠹名重士林欽其大才出守茲土仁恕明決百度修舉八年之間政化大行而又爲此役謀慮既審區畫其宜不肯苟譽目前而必欲圖爲久遠無窮之利使民得遂安居之樂而無墊溺之虞其爲惠利烏可以數計哉後之繼公爲政者尚當知公始作之心使常不至於怠廢則民之誦公不將與前數君子並

垂耀於天地間哉

泛淖沱河賦

石琚

介然子將如東瀛放舟於淖沱之浦覽郡國披山川
辨土壤聆風泉俯象六極仰窺無垠問遺俗於故老
招海上之飛仙於是揖漁人而進之曰子亦知夫茲
水之源乎出自繁時經於代谷放乎鴈門之坂帶於
太行之麓朔方巨嶽實扼其胃恆衛諸流半入其腹
氣吞萬壑激澶磧而未平勢應三泉匯平原而愈蹙
時乎春冰乍融積雪方解支流趨順客浪藏駭迂迴
漫延千里一帶礮石成渠錯波赴海千城藉其潤色
萬晦資其灌溉鉅鍾錚錚鳴帝子之環嘯軌散將軍之凱
編桴賈客燈火輝煌鑿釣漁郎歌聲款乃方洲乍晴
倏昏忽明擊神農之遺譜得靈均之杜衡及夫積霖
未止秋水大至巨濤圻空駛溜軒地律令助威飛廉
擁勢海若爲之改容巨靈因而避位鯨翻渤澥鬼母
長嘯虎栗昆陽英雄失智山刊苗裔野誅樸樵先驅
一指崩沙潢屋愁畱城邑新葉如雲殃及鱗鱗僵屍
遍谷亦有傾城摧山變陵不雨而怒無龍而興湍隨
鯤徙勢若雷崩斷岸蒙隤殷輪牟赤平岡被齧戈戟
猶青霆擊斷跌訝魚龍之識字渚留袍笏豈犀火之
通靈乃有泗濱磬浮汾陰鼎見寶鏡入秦號鐘歸梵
涇陽嫁女蕭鼓猶喧龍叟射綃波濤飽戰壞百尺之
長橋刻千年之古壑人懷魚鼈之愛國有沼池之歎
忽幾劫之餘灰出昆明之一旦蓋自列國兵屯朝齊
暮秦盟渝韓魏兵來薊門趙國上卿功名一擊平原
公子車騎長奔虎狼勢成合從事緩頰牧旣亡望諸
已晚建不出援丹空起變常山之蛇陣徒存主父之

龍顏幸返復有劉項相雄赤旗建功淮陰古壘東垣
廢宮王霸詭冰再光舊版蕪亭飯麥猶著遺忠保河
北以待朕亦何異於關中乃至開元弛網漁陽肆毒
投鞭斷河驅王人蜀常山太守首扼天下之吭帳下
豬兒竟破羯奴之腹惟朱有國茲當九陲契丹伺便
西夏來窺築甬梁津任布有備邊之策山崩海覆劉
竦興致死之師自餘紛紛以暴易暴中更幾幾世歷
多號劉琨有志獨枕長戈虞詡難逢空增萬竈太平
之日少於戰爭中原之俗半多戎盜是宜地下白骨
多於黃土長河東奔爲泄其怒推車卷甲盪百世之
餘凶戮沫飛流刷遺羞於千古山蓋不得不峻水蓋
不得不駛陵谷蓋不得不而不變城市蓋不得不徙
是雖天時人事交會之偶然然亦豈惡殺好生造化
之得已者乎乃知天本待人地亦藏宅界吾祖宗增
其式廓既定鼎於金陵又相居於恆嶽若成周之豐
鎬復營邑於伊洛於是山多獻靈川亦效職噓氣成
雲蒸地得澤不須劉累參靈沼之二龍亦有豫且得
白龜之徑尺木多杞梓自河而東波有鯉魴望海而
入其有異氣蘊鬱孕爲賢良輝煌事業曜璫文章高
門大纛紫綬金章或名流乎林藪或身負乎綱常乃
若蘭陵著述功碑墳典文貞諒論治逮成康閑散平
津屢屈吾丘之博辯屏張便殿猶存李絳之封章武
惠忠誠身兼將相韓維兄弟並在嚴廊趙資客之名
懸調燮黃牧伯之風挽循良一代龍頭世頌文忠之
相業兩朝司馬名登恭敏於旂常是其在昔有作於
今益昌孰非山川之所鍾毓地氣之所敷揚者乎矧
吾生之行休值海波之方晏駕木蘭之長舟縱千里

於遐覽橫桓伊之古笛飽廉頗之一飯藉荒磯之芳
草憩清風之別館采江蘼以爲佩畦揭車之九畹悵
九原之莫作想古人之如見於是流魚出波沙鳥鳴
苑月華窺林露色淒晚樂未極而悲已生日已夕而
路猶遠既引領而高歌又一唱而三歎浩浩乎飄飄
乎蓋不知吾之所欲之而忘吾之所欲返也歌曰山
窅窅兮波鱗鱗臨長洲兮思古人魚來迎兮鶴與吟
惟秋鴻兮北以南志不可騁兮樂不可殫還予舟於
江皋兮吾將續先王之遺音

淖沱河部藝文二

詩

臨淖沱

唐李益

漢南春色到淖沱邊柳青青塞馬多萬里江山今不
閉漢家頻許郅支和

渡淖沱河

宋胡曾

光武經營業未興王郎兵革暫憑陵須知後漢功臣
力不及淖沱一片冰

過淖沱河

許復齊

淖沱河水正流漸文叔南奔欲渡時天爲赤符冰自
合不應王霸敢相欺

渡淖沱河

文天祥

過了長江與大河橫流數切絕淖沱蕭王舊事今安
在回首中天感慨多

過淖沱

金趙秉文

夕陽山豁處平照大河流漠漠雲間樹悠悠天際舟
黃塵隨匹馬白水自雙鷗會得閒中趣浮生半白頭

淖沱流漸行并序

元王惲

馮征西傳云世祖自剡馳至饒陽無雙亭南渡入

信都王將軍霸稱冰堅可渡處今鼓人指縣北龍
華鄉故河道曰全渡者即其處也且以饒陽取道
直趨冀其經鼓縣東界無疑但河自收國庚午徙
縣南行流問諸父老云今七十有一年矣春秋鼓
聚在今縣西五里廢城尚在今曰下曲陽者是也
至元庚辰夏予按部是州士子張春卿者請予紀
其事因爲賦此

王郎何人著柘黃欲與赤符爭翱翔漢中斷天復
熾時後頑石胡爲光蕭王揮戈指幽薊戰血滿野風
塵蒼莽兵返得市人噓當時南馳亦蒼皇驚鞬城東
淖水長北風烈烈天雨霜前驅後騎兩失色河雖流
漸無可航免肩麥飯未下咽大冰橫合堅如梁古稱
王者阨不死淮陵一言殆天使赤龍已渡凌四開白
魚躍舟未逾此壇亭王氣如水清妖魅邯鄲死灰耳
彼蒼有意開真主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野煙生綠樹留在長河閱世人萬古朝宗
浩東驚

渡淖沱河

劉因

進臨淖水岸回望土門關秋色巉巖上川形拱抱間
分疆人自隘設險地誰堅欲問前朝渡江鷗故意閒

其二

前人

河水正流漸無舟可濟時詭言冰已合隨使渡無危
自是繇天助眞非假力爲昭昭明史冊千載慰人思

早發淖沱感冰合

陳孚

征鼓連天戰血紅存亡只寄寸冰中憑誰剪取麒麟
碧書作雲臺第一功

過淖沱河

明金幼孜

前驅聞警蹕傳道近淖沱凍合含初日風微動碧波
人從仙仗出路自畫橋過北望幽燕外青山疊疊多

過淖沱河

程敏政

寒風挾霜起冰浪從西來下觸斷橋柱破此千瓊塊
流響甚清麗驚波屢盤洄官舟大如掌疾棹過南隈
古來濟川人感激多良材

淖沱晚渡二首

送明年張廷芳使陝西

章懋

風捲流嘶作晚波行人猶說漢淖沱那知天上乘桂
客不用堅冰也渡河

其二

半川斜日照寒流騎馬來經古渡頭欲問蕭王冰合
處野煙衰草遍汀洲

渡淖沱河

石玠

千年形勝此淖沱道路馳驅自昔多短岸幾人看日
暮中流有子唱漁歌冰堅尚憶蕭王渡坂古會開太
守過此日承平無夜警村燈漁火映間爇

早發淖沱

王英

長河二月半雪霽斷冰開但覺波濤至猶疑風雨來
飄搖野艇渡薄漾白鷗回望極平沙際春光淨綠苔

淖沱河部紀事

戰國策蘇秦說燕文侯曰今趙之攻燕也渡淖沱涉
易水不至四五日而距國都矣

後漢書光武帝本紀更始二年光武以王郎新盛乃
北徇劇王郎後檄購光武十萬戶而故廣陽王子劉
接起兵劇中以應晨夜兼行蒙犯霜雪天時寒面皆
破裂至淖沱河山海經云大戴之山淖沱之水出
焉在今代州繁峙縣東流經定州深澤縣東南即光
武所渡處今俗猶謂之危渡口臣賢案淖沱河舊在
饒陽南至魏太祖曹操因饒河故潰決令北注新溝
水所以今在饒陽縣北

建武十三年遣南虜將軍馬武屯兵淖沱河以備匈
奴

章帝本紀建初三年夏四月己巳罷常山淖沱石白
河漕

鄧禹傳禹子訓字平叔永平中理淖沱石白河從都
慮至羊腸倉欲令通漕太原吏人苦役連年無成轉
運所經三百八十九隘前後沒溺死者不可勝算建
初三年拜訓調者使監領其事訓考量隱括知大功
難立具以上言肅宗從之遂罷其役

王霸傳霸字元伯潁川潁陽人也光武爲大司馬以
霸爲功曹令史從渡河北傳聞王郎兵在後從者皆
恐及至淖沱河候吏還白河水流漸無船不可濟官
屬大懼光武令霸往視之霸恐驚衆欲且前阻水還
卽詭曰冰堅可渡官屬皆喜光武笑曰候吏果妄語
也遂前比至河河水亦合乃令霸護渡未畢數騎而
冰解光武謂霸曰安吾衆得濟免者卿之力也霸謝